

洞真上清青要紫書金根衆經卷上

右三

洞真上清青要紫書金根衆經卷上 三

上相青童君撰

青要帝君者乃九陽元皇玉帝之弟子以中
皇元年歲在東維天始告暉君育於玄丘玉
國无崖之天瓊林七寶之下溟濛九域之濱

卷三

法化應圖三日啓晨厥姓堯諱空白伯開仍
有九龍翼君側七色瓊鳳蔭君身神麟含芝
以玄哺天女吐精以觀真玉童擲華以却穢
神妃散香以攘塵含嗽以胎息法秀自然華
冠二六面發金容體生靈符言韻金章七十

二色洞映玉清三晨麗景六炁齊軒玄雲紫
蓋生乎房飛精流光照其庭含真獨操熙願
靈嶠容序順化隨運沉浮栖心明霞之境教
浪玉國之墟執抗元皇之策落景九域之丘
逍遙流盼遂經累劫方還清齋雲房之間以

紫雲爲屋青霞爲城黃金爲殿白玉爲床五
炁交結高臺連薨玉陛文階鳳闕四張金童
侍側玉華執巾天仙羅衛五千餘人備天之
狩羽騎如鱗龍虎辟邪偶偶雙蹲玄炁九會
靈風揚煙芳香激天虛生瓊宮流精玉光洞

映十天蕭條高暢獨演靈篇餐精嚙炁咀嚼
玄根服餌還白玉酒金液流精玉杯結華日
月皇泉鍊骨易髓舉體成真元陽元皇玉帝
君時乘碧霞九鳳飛輿瓊輪羽蓋從桑林千
真萬乘億騎飛行侍仙三十六人宴景霄庭
來降於君與君共登九老仙都之京九曲之
房命西臺龜母開雲鳳之蘊紫錦之囊出紫
書真訣玉篇以授於君君修行道備位登玉
清太上大道君授君飛雲羽蓋流紫鳳章金
真玉光豁落七元金神虎符流金中八鈴青精

玉璽九色无縫之章單青羽裙飛行上清於
是縱景萬變迴轉五晨策虛召月攝日揚輪
洞化離合與真同靈解形遯變儵欬億千上
登三元朝謁玉宮遊覽无崖胤洛九天出入
洞門携契玉仙仰稟高上元始太真應炁順
右三
命位掌帝晨總統萬道无仙不關下攝十天
山靈河源五嶽四海莫不上隸於君自飛常
圖於紫虛金名於青宮紫書不可得而闕金
根不可得而聞也

青要是紫清帝君之別號受元皇玉帝紫書

妙訣皆衆經之要秘九天之上書八會之隱
文也

玉帝命高上值真總仙君科集寶目合爲衆
經以紫筆繕文金蘭爲篇皆出上皇玄古之
道高聖所撰集集以成卷傳於青玄大帝君帝

君傳上虛皇元靈道君道君傳太素高靈洞曜
道君道君傳南極上元君上元君傳天帝君天
帝君傳太微天帝君天帝君傳後聖九玄帝君
九玄帝君傳上相青童君掌錄瓊宮夫有宿命
應見此文者皆玄挺開會必有神仙定錄也

玉帝寶秘不傳於世妄說之者則九天刺奸
奏於帝君言子之罪太上使五帝神兵罰子
之身死爲下鬼充塞河源七祖父母受拷水
官學老慎科秘而奉焉若有金骸玉骨名書
帝錄得見此文當依九真玄科修行法度案

右三

三

盟齋信金龍玉魚各一枚紫繒百尺青紋四
十尺詣經師跪而授之師與弟子對齋七百
日按科七百年有人聽得三傳不依科文輕
泄秘篇身沒鬼官七祖充責萬不得仙
凡修上真之道披詠黃庭玉景萬遍之根通

釋三宮開明幽關乃得修行紫書玉訣招真致靈白日昇玄之法

紫書訣言凡修上真之道當行上清玉霞紫
映內觀上法常以本生上旬之日沐浴清齋
盛潔法服平旦入室以內觀開明玉符清華

之水東向洗眼并嗽蕩口腹令內外清虛口
无餘味腹无餘薰眼无餘視體无餘塵泊泊
靜默唯道是身然後還南向平坐瞑目內思
紫炁出兆頭頂之上勃勃衝天氣冠已形內
外鬱冥便引紫炁仰嚙三十九通覺熱隨嚙

入兆口腹之中嚙訖開眼朗然豁除便叩齒
三通仰呪曰

上清流霞暉真吉旦紫雲暎靈陽
宿交煥內
注金門玉戶受觀寶神和藏魂魄无散明皇
九真八道流羨攀雲招虛靈降紫漢洞徹幽

元三晨齋宴遊騰玉堂上拜帝館畢仰嚙三過止



此內觀開明玉符當以朱書白紙投水中東
向叩齒三通呪曰

天无飛翳地无遊塵玉符蕩穢洗除非真洞
明玄虛招致靈仙畢以水洗目漱口吩內外
餘符水悉放之東流

右三

四

紫書訣出上清玉霞紫映內觀經中篇修之
八年紫雲覆兆身日明徹視洞觀九天體生
竒光縱景萬變飛行太空此道至妙傳已成
真人不行於世有金名玄圖綠字東華得有
此文祕而奉修真靈易感招仙易成道備炁

盈白日飛昇慎勿輕傳以泄靈篇

本生上旬之日者甲子旬生當以甲寅日為
上旬他皆如之

紫書訣言修上清玉霞紫暎內觀之道常以
月生一日取西流水三升盛以金器銅器亦
佳以真朱一兩內著水中名曰金精石景水
母玉胎之瑛露於中庭至月十五日正中令
日精流光玄暎於石景水母日象煥明水母
之中東向書流霞開明洞觀玉符投內石景
水母中轉南向叩齒十六通仰呼日魂珠景

胎韜綠映迴霞赤童玄炎颺像凡十六字畢
閉眼存日中五色流霞下冠兆身洞煥一形
存見日中有一仙人形長八寸頭戴朱陽赤
冠衣絳錦丹裙下在兆身頭頂之上口引日
中赤丹金精石景水母之瑛灌溉兆形便臨

右三

五

所盛水中映日光而微呪曰

耀羅丹陽元景敷陳赤鑪大明九炁齊真三
五運精二象交纏玉胞石髓鍊故反新流霞
玄注水母凝神和魂柔魄內外同煙仰餐丹
華口啜日根靈芝盈溢面發金仙與炁同軀

與日同存乘景飛空上造帝晨畢仰向日十
六嚙止取石景水母之玦向日洗日并沐浴
形軀餘水放之西流行此九年面有金容內
外洞徹與日同光飛行玄虛上造口門此道
高妙不傳下世輕泄寶文罰以鬼兵身沒鬼
官七祖獲殃

王明王明
王明王明

此流霞開明洞觀玉符東向朱書白紙上叩
齒十二通呪曰

太陽九道八真齊明三五迴化混合丹靈石
景玉胞朱丹之精採納飛玄來降我形長與
三晨同死俱生畢以符投於石景水母之中

右上清玉霞紫暎內觀上法一名金精石景
水母玉胞經一名採服日根招霞之道帝君
常所寶祕紫筆書文紫金爲簡封於太上九
老仙都之房瓊宮玉室之內依科七百年一
出有金名玄圖綠字上清得見此文帝遣太

陽金童十二人侍衛已身修行九年尅得上
仙白日昇天遊宴玉宮也

紫書訣言修上清玉霞紫暎內觀之道白日
昇玄之法常以月生三日取東井皇華之精
三升井華水也盛以金器之中銅器亦佳露

右三

六

著中庭至月十六日夜半令月精光玄暎於
皇華丹景洞明皇華之中兆東向書黃炁陽
精洞明靈符投著皇華器中轉西向叩齒二
十四通仰呼日月魄曖簫芬豔翳寥婉虛
靈蘭鬱鬱華結翹淳金清營炁容臺標凡二十

四字畢閉眼存月中五色流精紫光下冠兆
身洞匝一形存月中有一真人形長九寸頭
戴紫冠通身衣黃錦飛翥下在兆頭上口引
月中皇華以灌激兆形便臨皇華器中映月
光而微呪曰

靈舒耀華三五洞清紫黃交降二炁混并天
元離合運度虧盈皇芝流溢黃胎結精景中
真人陶灌我形月君夫人固我黃寧玉佩金
鐺使我徹明與月俱虧與月俱生長餐皇華
昇入帝庭浮遊太空臣御飛輶上享无極億

劫光齡畢仰向月二十四嚙止取皇華向月
洗目及通身自盟洗畢餘殘悉放東流之水
行此九年目覩空洞徹見萬里逆究吉凶鍊
容易體面有玉精體生紫光乘空駕虛飛行
上清此道高妙不傳下世輕泄寶文罰以神
兵身沒幽泉殃流萬世長充鬼官

右三

七

王生
三五
日月
出册
山陽
明

此黃炁陽精洞明靈符東向以黃筆書青紙
上叩齒十二通呪曰

陽藏陰生二炁交周天元混合三五應符服
御皇華靈降我軀長享景炁與神同休落已
九玄叅駕飛浮畢以符放皇華之中

右上清玉霞紫映內觀上法一名藏天隱月
玉胎之經一名八素真經服月皇華帝君常
所寶秘紫筆書文紫金為簡封於太上九老
仙都之房瓊宮玉室之內依科七百年一出
有金名玄圖綠字上清得見此文帝遣西華

玉女十二人侍衛兆身修行九年尅得上仙
白日昇天遊造帝房也凡行此道未至三日
皆沐浴蘭香清齋別房不交人事靜思真靈
對景霄晨至日行事如覩帝顏積感髮髯尅
日化仙若天陰无日亦可於室思而行之道
在精思故感而致焉

紫書訣言修行上真之道當以三月九月十
二月三日十五日二十五日一年三月月三
過行之此月是九天元父受化之月日是遊
宴九天上宮值合之時也每至其日沐浴清

齋於隱寂之地不關人事正中時向東北之
上仰天思九天元父姓名身長九寸九分著
玄黃素靈之綬頭戴七稱朱玉之幘无極進
賢之冠居九天之上太極瓊宮玉寶之府丹
靈鄉洞元里中時乘碧霞飛輿從十二飛龍

右三

八

二十四仙人巨鵠侍輪遊於虛玄之上存思
分明令如對顏便九拜於元父三過陰喚元
父甲今有言乞與上昇奉侍帝靈輒叩齒九
通仰呪曰

高上帝尊元始大神合真胤炁形秀紫天乘

雲駕浮落景八煙迴輪曲降道廕我身得乘
霄景奉侍靈輶今日八會上願開陳所乞所
啓莫不如言長享元吉與帝同存畢仰嚙丸
炁止如此元父感悅帝尊欣喜即命領仙注
子金名九年精思尅遣瓊輿下迎子身白日
飛昇上造帝晨此道高妙如下世凡學所可
叅聞自无金名玄圖綠字上清莫得知見若
於機會遇得寶篇皆宿挺合仙但當寶錄密
而奉行輕說非真羅延七祖父母長閉地獄
萬劫不原身沒鬼官萬不得仙

紫書訣言凡修上真之道當以二月七日十
月月五日十六日二十九日一年三月月有
三日此月是九天玄母合化始生之月日是
天元合慶變雌天德之日也是其日沐浴清
齋別室寂處不關人事夜半露出中庭西南

中三

九

向仰天思九天玄母姓名身長六寸六分著
青寶神光錦繡霜羅九色之綬頭戴紫元玄
黃寶冠居九炁无極之上瓊林七映之宮玉
寶洞元之府九光鄉上清里中時乘紫雲飛
精羽蓋從十二鳳凰三十六玉女匡鳳侍仙

遊於太清之上无崖之中存思分明朗然對
前便九拜於玄母三過陰喚玄母甲穢質貪
真仰慕上清乞與盼接得侍玉靈叩齒九通
仰呪曰

三合五離混化二元炁凝成神神變合魂胎

養九天保固生門陰精玄降淘灌形源鍊質

染炁受化自然今日何日玄母開陳八顧九

會上獲天真景響音參微得啓玉晨骨騰肉飛

乘虛絡煙上造紫轅長輔帝臣畢仰嚙九過

止如此玄母含暢帝妃喜懽天真下降得見

靈顏即命青宮注上玉名九年精思帝遣玉
女乘雲下迎上昇玉清侍衛玄宮此道高妙
非世所聞若有金名標侍帝簡得見此文皆
宿慧合仙尅得飛昇遊宴九天也慎勿輕宣
身沒三官七祖被拷長閉河源凡行此道皆
當精心苦念目瞻靈顏仰希玄降以要飛仙
不得汙穢上干太真身被禁閉萬不得仙若
天陰无日亦可於靜室行事但使心目相應
口響相和神无不感道无不降學无不成道
降神附飛行太空也

紫書訣言凡修上真之道常以九月九日七
月七日三月三日此日是九天真女合慶玉
安遊宴霄庭敷陳納靈之日是其日五香沐
浴清齋隱處別室不交人事夜半露出燒香
北向仰思九天真女諱字身長七寸七分著

右三

十

七色耀雲羅袿明光九色紫錦飛裙頭戴玄
黃七稱進賢之冠居上上紫瓊宮玉景室七
映府金光鄉无爲里中時乘紫霞飛蓋綠輶
丹輿從上宮玉女三十六人手把神芝五色
華幡御飛鳳白鸞遊於九玄之上青天之崖

思畢心拜真女四拜叩齒二十四通仰呪曰
天真迴慶遊宴紫天敷陳納靈合運无間上
御玉宮下盼兆臣八會開張九願同纏思微
立感上廚神真流精陶注玉華降身萬慶无
量長種芝田畢仰引炁二十四嚙止如此真女
感悅神妃含懽上列玉帝奉兆玉名記書東
華參篇玉清也修之九年面紫金容體映玉
光神妃交接身對靈真尅乘飛蓋遊宴紫庭
也此法高妙世所不行若有金名書字紫簡
得見秘文骨挺應仙寶而密修計日成仙輕

泄非真罰以神兵長後幽泉七祖受累萬劫
不原

紫書訣言日暉中玄之道常當丙午庚午之
日日中時以九寸明鏡一面露却於中庭令
日精光映於鏡中北以南向面臨鏡上叩齒

右三

十一

二十四通呪曰

日精耀羅流光映靈華芒八朗緯絡天庭歷
度應運玉胞充盈玄光童子日暉赤精迴真
曲暎停午洞明金鏡採霞混合我形二景同
符與日齊并八十一息胃藏華生長保日月

天地相傾仰天口注日光引嚙三十六息畢
還以面臨鏡上又引嚙鏡中日精四十五息
畢還合八十一息也此日暉中玄之道也行
之三年目中童子有流紫玉光徹見萬里洞
鑒无窮面如赤丹體發金容行及日影如飛
乘空此玉帝上法傳於魯女女採精以登玉
庭其法寶秘不得妄傳傳非其人殃及七祖
身役下鬼萬不得仙凡修日暉中玄之道若
天陰无日亦可別室行事但嚙炁倍於日中
也當作百六十二息鏡每令精明勿使塵垢

不得妄令他人臨暎此至忌也經三人臨暎則日中童子赤精二君云又下降令人失明神亡可不慎之

此法西王母常所修授於青要帝君青要帝君授於魯女魯女傳太陽女太陽女常於世

中行之洞觀玄空面生金光年七百歲上和之年時人謂之年十七八常乘飛鳳遊行天下亦監察有道人或降以真炁有宿分者或於景響中遇而悟之得接真形便能飛行紫書訣言凡夫朔會之日此以天地二炁交

度度周則陰炁勃蕩陽精虧降當其日一時
之中天分操兵萬真臨軒五星移度十天同
振修日暉中玄之道是其日當露出中庭以
明鏡向日兆身操大刀一口南向叩齒三十
六通仰呪曰

右三

十二

日暉童子陽光赤精耀羅真人影中玉靈歷
運乘炁上下肅清陰真內謀上侵日庭天臨
操仗帝臣輔兵三五正立陽光洞明天地代
食何賈敢生各反其位无使虧盈玉帝告命
靡不敬停便引炁二十四息止如此則天地

復位三五齋光童子感悅日暉迴靈流光玄
注陶降兆身則列名紫簡記篇玉清九年之
內得乘綠輶乘空駕虛飛行上清也

紫書訣言凡月蝕之日其夕陰炁虧陽炁盈
度分相加二景相征此皆天地有離合日月
之別炁乘有月虧之夕便侵謀於正炁也當
此之時皆五星宿帝晨部司勒命太陰齋兵
衛靈是其夕當出中庭取清水一瓮兆身操
刀一口臨水向月叩齒十六通呪曰

天地羅合負氣乘虧侵蝕月廬上千黃輝帝

臣操杖三晨捕非天兵羅域神公放威有何
賈生附景乘微速反初位无使有違畢三過
向月呪如此以刀右迴瓮水三過止臨水引
炁十六嚙畢月蝕即解天景肅清三五齊輝
萬宮安寧也月中真人夫人靈光感悅意懽

右三

十三


迴靈玄映降子之情即記北帝落子死名注
上清宮玉篇給子玉女十二人侍衛兆身九
年如此得乘飛霞上造月庭其道至妙不行
於世得者寶秘慎勿輕傳此帝君紫書上法
玉靈子所修項上常生紫光洞照十里中兩

目有流精如星映照面發金容夜灼虛明役
使太陽金童太陰玉女各十二人其法至祕
不得輕傳若天陰不見日月者亦於室內行
此日潛相謀犯不可不救於正景也

紫書訣言凡修上清之道未能騰景霄庭宴
駕紫虛始欲涉學雖託志幽阜長齋窮林猶
不免於陽九之災承唐之年也

元始天王度厄寶真玉符將可以防度此災
此符與九天俱生日月俱存涉洪泉而不沉
履猛火而不燒經白刃而不傷壽萬歲而方

翹佩之九年形變易容體生竒光乘空飛行
上昇玉清依四極明科七百年有金名玉字
紫簡青宮聽傳三人輕泄不真身沒鬼官拷
延七祖長閉幽泉萬劫不原
大劫度厄寶命長存符



右元始九玄之精經太陽九會洪水滔天當
以青書白絹佩之頭上浮翔清波之上萬災
不能傷保身長命久佩

神仙

小劫度厄寶命長存符

右三

十四

此符由元始九玄之精經太陽九會洪水滔天當以青書白絹佩之頭上浮翔清波之上萬災不能傷保身長命久佩

右九天太真符經小陽九之周水火交橫萬
災並興當以朱書白絹佩之左肘入淵不沉
入火不燃萬災不能害保身長命與

天同壽久佩神仙

大百六度厄寶命長存符


此符由三行符號組成，每行符號由多個橫、豎、斜、圓等筆畫交織而成，具有典型的道教符籙風格。

右上皇玉天符經大百六之厄朱書白絹佩
 之頭上流災暴厄所不能傷保身長命壽同
 三光佩之九年白日飛仙上昇
 太清

小百六度厄寶命長存符

右三

十五



右三天童子玉符經天地改度萬癘交橫水火兵病千災並行黑書白絹佩之與天同年與日月光九年飛行上昇太清

右度厄寶命長存符以元始天王傳於九成公九成公者乃九天丈人身長九尺目圓口

方聲如雷頂有紫光映照十天洞徹太元左右侍女二十四人著九色斑文之裘頭戴紫晨之冠座紫虛之上空玄之中時乘飛鳳玄龍遊於白水沙州空山之上自公受符以經七千餘劫屢履陽激陰否百六之周浩翔洪波

之上而无厄會之憂召水母以填源命九河
而止流勅陰官而自迎役六丁以自扶制五嶽
為玄梁道守羽騎以汎舟逍遙清虛極意遨遊
承天歷數法傳後賢若有玄圖於帝簡綠字
於上清右三當得此文得者位同靈仙超度百六白

右三

十六

日昇日辰帝給玉童玉女各十二人傍衛已身
惟當寶祕慎勿輕傳受符師弟子對齋九日
或三日資白絹年一尺紫紋三十二尺以誓
九天之信建日夜半露於中庭北向清酒一
升脯一勾棗五十枚九栝中一請符案上師

叩齒二十四通奉請九天使者鑒真大夫今
有真人男女某甲好樂神仙生值季世萬災
流行謹受上符度命長存佩身之後與真通
靈免過厄難得為上真乘空駕虛飛翔太清
以符授弟子畢也餘饌隨意所散

紫書訣言凡修上清之道兆身父母伯叔兄
弟於世上死亡兆身未得絕跡故在人中身
履死穢者三日當取清水一瓮真朱一兩投
於水中兆於庭中南向臨水叩齒九通呪曰
氣化成神尸變入玄三化五鍊昇入九天之

劫更度甲身甲身更化得為真人畢男死思
玉童三人女死思玉女七人請瓮水以灌死
人之尸畢取水自洗手面仰天吩咐畢又陰
呪曰

天氣已清人化已生得生上天九變受形五

右三

十七

苦三塗斷落死名超度窮魂還反南庭止如
此亡人即更受化生於九天之上九年得昇
玉清之宮其法妙於大洞度七祖之法玉帝
所祕不傳非人有金名帝圖綠字紫文不得
見此文未經施用輕告於人七祖父母長閉

鬼官三塗五苦萬劫不原四極明科七百年
有真人聽傳

紫書訣言凡上學之士遊行世路忽於道次
遇見死尸穢炁干身兆當行二十四步止正
北向叩齒九通男尸思玉童三人女尸思玉
女七人來請兆玉谷之中皇芝素水以灌彼
死尸之上須臾存死尸更生成人便陰呪曰
已枯復榮已滅復生得生上天更稟太靈九
天之劫反覆胎嬰穢累蕩滅白尸反生畢手
拭目二七過止如此穢炁即解死人即更受

化後爲靈人也兆遇二十四過行此鍊呪功
滿德加名標上清二十四年剋乘雲輪飛行
九玄也紫書真訣出自上皇玄古之道高聖
所撰元皇玉帝以傳青要帝君此訣標於妙
用集爲金根衆經太帝以金晨玉童西華玉
女各二十四人侍衛靈文記功明善有犯上
科奏罪於玉帝告下五帝神兵罰子之身七
祖被拷長閉河源奉者慎焉

右三

三

洞真上清青要紫書金根衆經卷上



